



Broj predmeta: 13-000234/26
Broj akta: 02-1624MS-0021/26
Datum, 10.4.2026. godine
Mjesto, Brčko

Na osnovu člana 21. Zakona o Vladi Brčko distrikta Bosne i Hercegovine („Službeni glasnik Brčko distrikta Bosne i Hercegovine“, broj: 27/23 – prečišćeni tekst, 23/24 i 38/25), člana 20. stav (1) tačka a) Zakona o javnoj upravi Brčko distrikta Bosne i Hercegovine („Službeni glasnik Brčko distrikta Bosne i Hercegovine“, broj: 18/24 – prečišćeni tekst, 31/25 i 38/25), člana 31. stav (3) Zakona o izvršenju Budžeta Brčko distrikta Bosne i Hercegovine za 2026. godinu („Službeni glasnik Brčko distrikta Bosne i Hercegovine“, broj: 1/26), a u skladu s Odlukom o utvrđivanju posebnog interesa za finansiranje pacijentskih udruženja za 2026. godinu, broj predmeta: 13-000234/26, broj akta: 01.11-1186NK-006/26 od 11. 2. 2026. godine i Odlukom o odobravanju tekuće donacije i usvajanju programa utroška sredstava za finansiranje pacijentskih udruženja Brčko distrikta Bosne i Hercegovine, broj predmeta: 13-000234/26, broj akta: 01.11-1186NK-017/26 od 11. 3. 2026. godine, šef Odjeljenja za stručne i administrativne poslove o b j a v l j u j e

JAVNI P O Z I V

ZA PODNOŠENJE ZAHTJEVA ZA DODJELU TEKUĆE DONACIJE ZA PACIJENTSKA UDRUŽENJA BRČKO DISTRIKTA BOSNE I HERCEGOVINE

I.

Cilj

Cilj Javnog poziva je finansiranje tekućih troškova kojim će se olakšati rad udruženja građana Brčko distrikta Bosne i Hercegovine koja za cilj imaju zaštitu i promociju prava pacijenata te stvoriti adekvatniji uslovi za rad.

II.

Pravo učešća

Na Javnom pozivu mogu učestvovati udruženja građana Brčko distrikta Bosne i Hercegovine koja za cilj imaju zaštitu i promociju prava pacijenata, a koja su opravdala dodijeljena sredstva iz prethodne godine iz budžeta Brčko distrikta Bosne i Hercegovine i za koje se utvrdi da ispunjavaju sve kriterije iz člana III. ovog poziva.

III.

Kriteriji za dodjelu sredstava

Kriteriji za dodjelu sredstava:

1. da su udruženja građana u momentu prijave za učešće u javnom pozivu registrovana u skladu s relevantnim propisima najmanje šest mjeseci;
2. institucionalna saradnja udruženja s organima vlasti Brčko distrikta Bosne i Hercegovine, u periodu dužem od godinu dana;
3. da su planovi rada i aktivnosti udruženja usmjereni na poboljšanje članstva;
4. broj članova udruženja;
5. da su namjenski utrošili sredstva dodijeljena iz budžeta Brčko distrikta Bosne i Hercegovine za ovu namjenu i u skladu s propisanim rokom u prethodnoj godini;
6. da su podnijeli izvještaj o namjenskom utrošku sredstava u roku propisanom programom utroška sredstava na osnovu kojeg su im sredstva dodijeljena u prethodnoj ili tekućoj godini.

Kao dokaz, za gore navedeno, za tačke 1, 2, 3. i 4. dostaviti rješenje o registraciji udruženja, fotokopije zaključenih ugovora s institucijama, godišnji izvještaj o radu, spisak članstva, zapisnike, potvrde i drugu dokumentaciju kojom se dokazuje ispunjenost kriterija.

Nadležna Komisija će po službenoj dužnosti izvršiti provjeru ispunjenosti kriterija tačaka 5. i 6. ovog člana.

IV.

Spisak neophodne dokumentacije za dodjelu sredstava

Neophodna dokumentacija koju podnosilac zahtjeva prilaže uz zahtjev za dodjelu sredstava:

- a) zahtjev za dodjelu tekuće donacije (ANEKS I);
- b) fotokopija aktuelnog izvoda iz sudskog registra, ne stariji od šest mjeseci;
- c) fotokopija prvog rješenja o osnivanju udruženja;
- d) fotokopija važećeg statuta;
- e) karton deponovanih potpisa iz banke ili ugovor podnosioca zahtjeva s bankom u kojoj ima otvoren tekući račun;
- f) potpisana i ovjerena izjavu da za istu svrhu i namjenu nije dobio sredstva (ili mu nisu odobrena) ni od jednog drugog budžetskog korisnika u tekućoj godini (ANEKS V);
- g) plan i program rada korisnika sredstava (ANEKS II);
- h) finansijski plan za tekuću godinu s jasno definisanim opisom troškova (ANEKS III);
- i) odluka nadležnog organa korisnika sredstava o odobravanju i usvajanju plana i programa rada i finansijskog plana (ANEKS IV);
- j) uvjerenje da porezni obveznik nema dospjelih a neizmirenih poreznih obaveza ili sporazum zaključen s Poreznom upravom o odgođenom plaćanju neizmirenih poreskih obaveza udruženja ne stariji od tri mjeseca.

V.

Finansijski okvir

Sredstva za realizaciju ovog javnog poziva su osigurana Budžetom Brčko distrikta BiH za 2026. godinu na organizacionom kodu 15010001 – Pododjeljenje za podršku MZ, NVO, UG i rad s mladima, ekonomski kod: 614300 – Tekuće donacije neprofitnim organizacijama i iznosi **80.000,00 KM**.

Minimalni iznos sredstava koji se može odobriti iznosi 2.000,00 KM, a maksimalni iznos 10.000,00 KM.

VI.

Način dodjele sredstava

Komisija će, na osnovu podnesenih zahtjeva za dodjelu tekuće donacije (opis programa i finansijski plan) iz člana IV, a u skladu s kriterijima predviđenim članom III. ovog poziva, odlučiti o ispunjenosti uslova i visini sredstava za dodjelu.

VII.

Vrijeme trajanja javnog poziva

Javni poziv za dostavu zahtjeva za dodjelu tekuće donacije ostaje otvoren **15 dana od dana objavljivanja, zaključno sa 27. 4. 2026. godine** i bit će objavljen na internet stranici Vlade Brčko distrikta BiH www.vlada.bdcentral.net.

VIII.

Način prijavljivanja

Aneксе prijave s prpratnom dokumentacijom za učešće na Javnom pozivu možete preuzeti na web stranici: www.vlada.bdcentral.net.

Prijave za učešće na Javnom pozivu popuniti isključivo u elektronskoj formi i dostaviti u zatvorenoj koverti, s naznakom: „**ZAHTJEV ZA DODJELU TEKUĆE DONACIJE ZA PACIJENTSKA UDRUŽENJA BRČKO DISTRIKTA BOSNE I HERCEGOVINE – NE OTVARATI, OTVARA KOMISIJA**“. S druge strane kovertе navesti naziv udruženja, te prijavu dostaviti, putem protokola Vlade Brčko distrikta BiH, Odjeljenju za stručne i administrativne poslove ili putem pošte na adresu: **Odjeljenje za stručne i administrativne poslove, Bulevar mira br. 1, Brčko distrikt BiH**.

Za sve potrebne informacije možete se obratiti putem e-maila:

Amir Karamujić: amir.karamujic@bdcentral.net

Zoran Ješić: zoran.jesic@bdcentral.net

Petar Vrhovac: petar.vrhovac@bdcentral.net ili na kontakt-telefon: 049/ 220-009.

DOSTAVITI:

1. Za oglasnu ploču Vlade Brčko distrikta BiH,
2. RNU „Radio Brčko“,
3. Sektoru za informisanje – web urednik,
4. Odjeljenju za stručne i administrativne poslove
5. Pododjeljenju za podršku MZ, NVO, UG i rad s mladima,
6. Evidenciji,
7. Arhivi.

ŠEF ODJELJENJA

Milijana Simić, dipl. oec.